



ATASSUT

UKA15/38

Siverth K. Heilmann

03.11.2015.

Kingusinnerpaamik UKA2016-imut atatillugu Kalaallit Nunaanni Inatsisartunut qinersisarneq pillugu inatsit nr. 9, 31. oktober 1996-meersumut, kiisalu Kommunalbestyrelsinut, Nunaqarfinni Aqutsisunut Ilagiillu Sinniisaannut qinersisarnerit pillugit inatsit nr. 7, 3. December 2012-meersoq pillugu Inatsisartut inatsisaannut allannguutissanik saqqummiussinissaannik Naalakkersuisut peqquneqarnissaannik Inatsisartut aalajangiiffigisaattut siunnersuut, taamaalilluni tamakkiisumik Inatsisartunut aammalu kommunalbestyrelsinut, Nunaqarfinni Aqutsisunut Ilagiillu Sinniisaannut tamakkiisumik qinersisinnaanermut ukiorisat ullumikkut 18-iusut 16-inngortillugit.

(Inuit Ataqatigiit Inatsisartuni ilaasortaataat)

Siullermik Inuit Ataqatigiit Inatsisartuni ilaasortaataat aalajangiiffigissassatut siunnersuuteqarnerannut qutsavigaagut imatullu naatsumik ATASSUT-miit oqaaseqarfigissavarput.

Kalaallit Nunaanni Inatsisartunut, Kommunalbestyrelsinut, Nunaqarfinnut Aqutsisunut Ilagiillu Sinniisaannut qinersisarnerit pillugit ukiorisat ullumikkut 18-iusut 16-inut appartinneqarnissaannut Inuit Ataqatigiit Inatsisartuni ilaasortaataasa Naalakkersuisut peqquneqarnissaaannik aalajangiiffigissassatut siunnersuuteqarnerat ATASSUT-miit tunngaviatigut isumaqatiginngilarput.

Tamat oqartussaaqataanerat naliginnaasumillu qinersisoqartillugu amerlanerusut qinersiartortarnissaat isumaq ajunngikkaluartoq, qinersisinnaatitaasut qinigassanngortissinnaasullu ukiuisa marlunnik apparneqarnissaannik siunnersuuteqartuniit tunngavilersuutigineqartoq ATASSUT-miit naammattut isiginngilarput.

Qinersisoqartillugu qinersiartut amerlassusaat allanngorartuupput, soqutiginninneq sila-milluunniit peqqutaasinnaasut qinersinerup ingerlanerani malinnaatitsisoqarluartarmat tamatta arajutsisimanngilarput. Taamaattumik ATASSUT-miit isumaqarpugut, qinersisartut tamat oqartussaaqataanerat aammalu qinersisartutut kina kikkut taassanerlugit sunniuteqarsinnaanertik atorluartareeraat aamma allanngortittariaqanngitsoq.

Inuusuttortatta ilinniarneq aqutugalugu ingerlariaqqissinnaanerit pilerinarsartuagassaavoq politikkimillu soqutiginnilersinnissaannut suliniutit inerititaqarfiusumillu aqutissiuunnissaat tapersersortuagassaapput, tamannalu ATASSUT-ip ingerlateqqikkusuppa.



Qinersisoqassatillugu qineqqusaariaatsit qineqqusaartuniit, torersumik imaluunniit piviusorsioortuunersut qinersisartuniit assigiinnigitsunik nalilersorneqartarneri qineqqusaaqataasartutuullu nalilersorneqartarneri arajutsisimanngilagut.

Partiitut inissisimanerput pivallaarnagu, qinikkatut suleqatigiissinnaaneq angusaqarsinnaaneq piviusunngortitsisinnaanigullu pimoorunnerusuugutsigit, assortuuttuarnerit pissaaneqarniuttutullu pissusilersortuarnerit qimaamineqarpata, ATASSUT-miit qularutiginnilarput, qinersisarnerit politikikkullu sulineq tatiginninnerlu aamma qinersisartuniit pitsaasumik sunniuteqarumaartoq.

Taamatut naatsumik ATASSUT-miit oqaaseqarluta siunnersuut ilalinngilarput.